

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT KHALIFATULLAH

Munir Ahmad Azim

09 Janvier 2015 ~
(17 Rabi'ul Awwal 1436 Hijri)

(Résumé Khutba)

Après ki li fine saluer tous so bane disciples (et tous bane musulmans) entier le monde – en mentionnant bane l'iles avoisinants, l'Inde, Trinidad et Tobago etc. – par la salutation de paix en Islam, Hazrat Khalifatullah (atba) fine commence so Khutba Jummah comme d'habitude avec Tashahhud, Ta'uz, Surah Al Fatiha, et avant ki li vine lors bane sujets de so Khutba, li fine lire sa verset Quran là :

وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا ۗ إِمَّا يَبْلُغَنَّ عِنْدَكَ الْكِبَرَ أَحَدُهُمَا أَوْ كِلَيْهِمَا فَلَا تَقُلْ لَهُمَا أُفٍّ وَلَا تَنْهَرْهُمَا وَقُلْ لَهُمَا قَوْلًا كَرِيمًا ۝

Wa qaddaa Rabbuka 'allaa ta'-buduuu 'illaaa iyyaahu wa bil-waalidayn 'ihsanaa. 'Immaa yablughanna 'indakal-kibara 'ahaduhumaaa 'aw kilaa-humaa falaa taqul-lahumaaa 'uffiww-walaa tanhar-humaa wa qul-lahumaa qawlan-kariimaa.

« To Maître fine déclaré : Adore Li seul, et traite papa-maman bien. Si ene de zot, ou bien les deux fine arrive à ene l'âge avancé chez toi, pas cause avec zot avec fierté, pas répousse zot, mais cause avec zot avec respect. » (Bani-Israël 17 : 24)

RETOUR DU KHALIFATULLAH DE LONDRES

Avant ki mo vine lors le vif de mo Khutba Jummah aujourd'hui, *Alhamdulillah*, mo remercié Allah pour faveur immense ki Li déverser lors moi et nous Jamaat, ki de jour en jour pé fer bane progrès énorme. Tout dernièrement, couma mo fine informe zot mo ti bizin alle à Londres, en Angleterre et *Alhamdulillah*, Allah fine manifesté beaucoup de bane signes et fine ouvert la porte de Dawa encore plus grand, pour ki bane dimounes en générale et bane Ahmadi en particulier recevoir le message de paix ki vine d'Allah et de So Khalifatullah dans sa siècle là. Le Dawa fine être formidable kot beaucoup de dimounes, Chrétiens, Indiens et Musulmans (Afghans et Arabes) fine recevoir le message de l'unicité d'Allah et de la venue d'ene Muhyi-ud-Din,

Khalifatullah ki fine vini pour unir zot ensam sous la bannière de « *Laa-Ilaaha Illallah Muhammadur Rassoollullah* ». *Alhamdulillah, Summa Alhamdulillah*, du fait ki mo pé faire le déplacement à Londres, mo fine fer moi le devoir pou essaye rentre en contacte avec le Khalifatul-Massih V, Hazrat Mirza Masroor Ahmad. Avant mo départ même, mo fine envoie so bane officiers ene email pou informe li de mo venue à Londres, et là-bas aussi mo fine envoie li ene Lettre, ene Message de Paix, ki *Insha-Allah*, tout sa pou officiel (texte et vidéo) lors le website très bientôt.

Séki mo fine émerveillé c'est ki bane Ahmadis dans Londres pas fine mette aucaine boycotte lors moi. Au contraire, zot fine recevoir moi avec beaucoup d'amour et de larmes aux yeux, dans Masjid même. Et fine ena bane dialogues et explications lors la Manifestation Divine bien cordiale et même zot fine offert moi ene place pou rester (et tous bane provisions) mais par la grâce d'Allah, Allah ti fini fer mo provision kot pou rester. En tous les cas, zot bien différent de sa bane Ahmadis de Maurice avec zot bane boycotte.

OBÉISSANCE AUX PARENTS

Maintenant avec la rentrée scolaire, bane zenfants petit et grand pé paré zot pou prend le chemin de l'école. Bane zenfants aussi ena bane devoirs ki pas seulement académique, et alors zot ena le devoir pou accomplir zot bane devoirs avec beaucoup de respect pour Allah et So Messenger Hazrat Muhammad (saw). Arose zot l'esprit avec l'éducation académique et arose zot l'âme avec l'éducation spirituelle ki très important dans la vie d'ene croyant, ki li ene zenfant ou ene adulte. Et sa aussi applique pour bane zenfants ki fini arrive à l'âge adulte et ki encore ena zot parents dans zot vié l'âge pour ki zot occupé.

Très certainement après respect et l'obéissance ki nous bizin ena envers Allah et So Rassool (saw), l'obligation la plus importante c'est servir et obéir bane parents et traite zotte convenablement. Celui ki fine crée tout (c'est-à-dire, Allah) dire dans Surah Bani-Israël (pareil couma mo fine lire au commencement de mo Khutba):

« To Maître fine déclaré : Adore Li seul, et traite papa-maman bien. Si ene de zot, ou bien les deux fine arrive à ene l'âge avancé chez toi, pas cause avec zot avec fierté, pas répousse zot, mais cause avec zot avec respect. » (Bani-Israël 17 : 24)

Ou bizin aide ou parents avec tendresse pou zotte, même si zotte n'importe ki l'âge ou soit condition, et accompli zotte désir convenablement.

Mo mettre devant ou quelques Hadith ki Nabi Kareem (saw) fine dire à propos respect et devoir envers parents.

1) Ene fois ene dimoune fine demande Hazrat Muhammad (saw) ki pli bon travail ki pou faire Allah plaisir. Rassool (saw) réponde : « Faire Namaz dans l'heure approprié. » Et après li fine demande Hazrat Muhammad (saw) aparte Namaz, ki plus bon travail ki faire Allah content. Rassool-é-Kareem (saw) réponde : « *Agir bien envers ou maman et papa* ». (Bukhari)

2) Hazrat Umama (ra) raconte ki ene dimoune ti vine kot Nabi Kareem (saw) et demande li ki devoir ene zenfant ena lors so parents. Le Saint Prophète (saw) dire : « Maman et papa, c'est paradis (*jannat*) ou soit l'enfer (*dozakh*) ; c'est-à-dire, si ou agir bien avec zotte ou pou alle dans paradis (*jannat*) et si ou désobéir zotte, faire zotte mécontent ou soit en colère alors ou place pou dans l'enfer (*jahanam*). (Tirmidhi)

3) Hazrat Ibn Abbas (ra) raconté ki Hazrat Muhammad (saw) fine dire ki : « Celui ki obéir so parent (ene signe d'obéissance à Allah) en récompense, deux la porte '*jannat*' reste ouvert pou li ; d'autre part celui ki désobéir so parent, en récompense, deux la porte '*jahanam*' pou reste ouvert pou li. Et si ena ene seul parent, alors ene seul la porte *jannat* ou *jahanam* pou reste ouvert pou li respectivement ». Lors là ene *Sahabi* (compagnon) fine demande : « Ya Rassoulloullah (saw), eski sa punition '*jahanam*' li pou bizin applique lors sa zenfant là, même si so bane parent faire dominère lors li ? » Nabi Kareem (saw) réponde : « *Quand même zotte (parent) faire dominère, quand même zotte faire dominère, même zotte faire dominère.* »

Alors bane zenfant pas gagne droit garde rancune ou soit néglige zotte parent même si faire zotte dominère (ene façon parlé). D'après Bukhari, Hazrat Asma bint Abu Bakr Siddique (ra) ti demande Nabi Kareem (saw) : « *Mo maman ene 'Mushriq' (idolâtre) et souvent li vine cote moi, eski li permettre mo agir bien envers mo maman et mo recevoir li bien? »*

Le Saint Prophète Hazrat Muhammad (saw) fine dire: « *Bizin agir bien envers ou maman* ». Guette ene coup ki réponse de sa prophète modèle parfait là. Li pas fine dire boycotte li, si pas na pas fréquente li, pas faire li *Salaam*, pourtant maman là ene idolâtre, mais Hazrat Muhammad (saw) fine dire agir bien envers li.

Azordi jours, bane Ahmadis bizin pense bien lors sa hadice ki mo fine fek cite devant ou là. Avec bane la lois de boycotte ki l'Association Ahmadiyya fine appliqué à tort et à travers, alors sa Hadith là li ene leçon pour zot à tirer. Couma Hazrat Muhammad (saw) fine dire, celui ki désobéir so parent, en récompense la porte '*jahanam*' pou reste ouvert pou li. Alors si ou revendique ki ou ene musulman, ou croire dans Allah et So Rassool (saw), ou bizin réfléchi lors sa parole de Nabi Kareem (saw), avant ki ou so-called Amir ou sois ou so-called Mullah fer ou vire avec ou parents, surtout bane parents ki fine accepter bane signes et manifestations divines. Sa bane parents là fine passe des nuit et jours pou grandi ou, donne ou l'éducation, donne ou besoin et marier ou.

Azordi jour, quand ou zenfant pé marier, ou pas gagne droit invite ou propre famille de sang, ni ou maman, papa. Bizin boycotté ! Par contre, dans sa même mariage là, ou gagne droit invite bane dimoune idolâtres, bane ki cause mauvais causer pou Hazrat Muhammad (saw) et Hazrat Massih Maoud (as). Sa péna narien ! Pou celui ki fine croire dans la Manifestation Divine, bizin pas invité et si ou fine invite ou parents, bizin rasse carte avec zotte sinon le Nikah pas pou faire. Eski sa ou appelle l'enseignement de l'Islam et sa bane dimounes là obéir zotte, suive zotte aveuglement, accepter ki faire le cœur ou parent faire mal. Mais finalement, en récompense la

porte l'enfer reste ouvert pou ou. Si demain ene so zenfant faire coumsa avec li, couma eski li pou ressenti sa ? C'est sa la question ki mo poser.

Faire attention ! Na pas écoute sa bane imbécile là, jamais faire du tort parents par bane propos et paroles malveillants ou par n'importe ki façon ki offénçant excepté sous bane conditions, bane exceptions ki Allah même mentionner dans Quran, dans ki circonstances ki faudé pas ou obéir ou parents et garde ene relation d'amitié avec zot. En temps normale, même si parents pas agir bien avec ou, mais ou pas faire zotte le cœur faire mal. Li *faraz* pou ou tanque ki ou parents vivre, n'importe ki zot été, ou bizin guette zotte et traite zotte bien. Tous les temps garde respect pou ou parents par ou paroles et ou actions et garde toujours zotte grandeur et l'honneur haute.

Ena zenfant gâte l'honneur et grandeur zotte parents. Ena parent zotte bane dimounes respectable dans la société, mais zotte zenfants bane *fatra* et faire zotte parents gagne la honte dans la société. Au contraire, ene zenfant bizin dans tout bane bons travail ki li pou faire, prend consentement so parents. Si ou parent dans le besoin et li prend kitchose pou ou faire attention, jamais pense mal pou li, et jamais ou montré kit mécontentement.

D'ailleurs ou bizin penser ki tout ceki ou ena actuellement c'est par sacrifice ou parents ki fine quitte tout pou ou comme héritage. Ena zenfants pas conne valeur de sa héritage là et zotte pas conne dans ki situation sa maman, papa, là fine faire bel, bel sacrifice pou acheter bane kitchoses et pou quitte sa pou zotte zenfant en héritage. Li malheureux zotte vendre l'héritage zotte grand dimounes (zotte parent, souvenir zot parent pou di pain di beurre, pou quelque sou parceki zot pas conner couma parent fine sacrifier, zot fine gagne sa l'héritage là lors plateau et zot pas même fine garde souvenir de zot parents, par zot imbécilité, écoute l'autre, l'autre et vendre héritage ou parent). Sa bane qualité héritier là, zamais fine traite zot parent bien, tous le temps fine faire larmes zot parent couler, guette parent là lors zépaul, jamais même pas faire salaam zot parents et cause bien avec zot parent. À la fin zot pou bizin paye sa conséquence là avec zot propre zenfant. Quand zot zenfant rende zot pareil, couma zot pou senti ?

Ene zenfant bizin comprend sa bien, pas ziste l'argent, bijoux ou héritage parent ou content. Ou bizin mette sa bien dans ou la tête ki ou parents ki fine fini mort, bane là ena encore droit lors ou. La question se pose couma zot ena droit lors ou ? Zot droit lors ou c'est ki ou bizin demande '*Duah-e-Maghferat*' – pardon pou zot. Si ou parent fine mort, et zot fine laisse bane dette ou bizin rembourse sa bane dette là et si parent là fine dire ou faire tel ou tel chose avant zot la mort, ou bizin accompli sa bane travaille là, et aussi souvent de fois ou alle lors zot *Qabar* (tombe) nettoye zot tombe et faire *Duah-e-Maghferat* pou zot. Par sa bane bon actions là, ou parents zot '*Ruh*' (l'âme) pou content. Bane '*farista*' (anges) amène sa bane *thawabs Duah-e-Maghferat* ki ou fine faire et présente sa ou bane parents et bane parents là aussi vraiment content et zot envoie *duah* lors zot zenfants ki faire *duah* pou zot.

Mo faire duah ki Allah (swt) donne sakaine sa *Tawfiq* pou occupe zot parents bien et si péna parents vivant, zot faire *duah* pour zot, kot sa *duah* là pou profite zot dans *Aakhérat*. *Insha-Allah*. *Ameen*.